



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
DOM NARODA
ZAJEDNIČKA KOMISIJA
ZA EVROPSKE INTEGRACIJE
Broj: 01.02-011-552-3/03
Sarajevo, 17. april 2003.

ZAPISNIK
s Konstituirajuće sjednice Zajedničke komisije za evropske integracije,
održane 14. aprila 2003.

Sjednica je počela u 10.10.

Sjednici su prisustvovali:

Šefik Džaferović, predsjedavajući Predstavničkog doma

Velimir Jukić, predsjedavajući Doma naroda

članovi Zajedničke komisije za evropske integracije:

- | | |
|-----------------------|---------------------|
| 1. Fatima Leho | 6. Milorad Živković |
| 2. Filip Andrić | 7. Halid Genjac |
| 3. Vinko Radovanović | 8. Boško Šiljegović |
| 4. Mehmed Suljkanović | 9. Ilija Filipović |
| 5. Nenad Mišić | 10. Branko Zrno |

Odsutni su bili članovi Zajedničke komisije Selim Bešliagić i Hilmo Neimarlija, koji su prethodno najavili odsustvo.

Sjednici su također prisustvovali: Vedran Hadžović, sekretar Zajedničke službe, Branka Todorović, sekretar Predstavničkog doma, Jadranko Tomić, sekretar Doma naroda; Osman Topčagić, v.d. direktora Direkcije za evropske integracije, Dženana Hodžić i Valida Repovac iz Direkcije za evropske integracije.

Prvim dijelom sjednice predsjedavao je gospodin Šefik Džaferović, predsjedavajući Predstavničkog doma. Gospodin Džaferović je predložio da se prva tačka dnevnog reda nazove Konstituiranje Zajedničke komisije i izbor privremenog predsjedavajućeg. Razlog za ovaj prijedlog je taj što je u parlamentarnoj proceduri imenovanje nekoliko komisija, za koje će predsjedavajući Domova uskoro napraviti raspored predsjedavajućih u smislu zastupljenosti naroda i stranaka. Do utvrđivanja tog rasporeda trebalo bi da se na ovoj sjednici izabere privremeni predsjedavajući ove Komisije. Nakon što je ovaj prijedlog prihvaćen, utvrđen je sljedeći dnevni red:

1. Konstituiranje Zajedničke komisije za evropske integracije i izbor privremenog predsjedavajućeg
2. Verifikacija odgovora na pitanja Evropske komisije vezana za Proces stabilizacije i pridruženja u Bosni i Hercegovini

1. Konstituiranje Zajedničke komisije za evropske integracije i izbor privremenog predsjedavajućeg

Za privremenu predsjedavajuću Zajedničke komisije za evropske integracije jednoglasno je izabrana gđa Fatima Leho. Gđa Leho je zatim preuzela predsjedavanje sjednicom. Za privremene zamjenike predsjedavajuće jednoglasno su izabrani gospodin Filip Andrić i gospodin Vinko Radovanović.

2. Verifikacija odgovora na pitanja Evropske komisije vezana za Proces stabilizacije i pridruženja u Bosni i Hercegovini

Gđa Leho je dala riječ gospodinu Topčagiću, koji je informirao članove Komisije o radu na pripremi odgovora na pitanja Evropske komisije vezana za Proces stabilizacije i pridruženja u Bosni i Hercegovini. Vijeće ministara će do 20. aprila 2003. uraditi analizu svih odgovora na pitanja Evropske komisije (346). Prva grupa eksperata Evropske komisije posjetit će Bosnu i

Hercegovinu 6. i 7. maja 2003. kako bi razgovarala s predstavnicima institucija Bosne i Hercegovine koji su radili na pripremi odgovora. Predstavници Evropske komisije su naglasili da je potrebno da odgovori budu dati na stručnom nivou. Očekuje se da odgovori sadrže opis situacije, institucija, zakona i postignutih rezultata.

Gospodin Hadžović je informirao članove Komisije da su stručne službe Parlamentarne skupštine u roku od tri dana pripremile prijedlog odgovora na osam pitanja na koja treba da odgovori Parlamentarna skupština Bosne i Hercegovine i dostavile ih, u skladu sa zaključkom Kolegija, Kolegijima oba doma na verifikaciju.

Komisija je zatim diskutovala i donijela pojedinačne zaključke o prijedlozima odgovora na pitanja Evropske komisije.

Zaključak o prijedlogu odgovora na pitanje 1. (Jesu li sve «paralelne» institucije i administracija ukinute (u svim aspektima javne administracije)? (1/5)): Gđa Leho, gospoda Andrić, Radovanović i Hasić će na osnovu sugestija koje su u diskusiji dali članovi Komisije pripremiti izmjene kako bi odgovor bio kratak, jasan i precizan.

Zaključak o prijedlogu odgovora na pitanje 2. (Podnesite statističke podatke o nametnutim zakonskim propisima i datume njihovog naknadnog ratificiranja na državnoj razini. (1/7)): Bit će napravljene odgovarajuće korekcije u terminima i odgovor će biti dopunjen navođenjem prioriteta Parlamentarne skupštine u 2003. godini.

Zaključak o prijedlogu odgovora na pitanje 3. (Ocijenite rad Parlamentarne skupštine, uključujući i tehničke urede i komitete pri Parlamentu (učinkovitost i sl.). (1/9)): Odgovor će biti dopunjen tako što će biti navedene komisije i tabelarni prikaz dosadašnjih sjednica komisija. Dijelovi ovog odgovora koji se odnose na reforme u radu Parlamenta bit će preneseni u odgovor na pitanje 4.

Zaključak o prijedlogu odgovora na pitanje 4. (Jesu li predviđene ikakve reforme? (1/10)): Odgovor će biti izmijenjen tako što će biti objedinjeni dijelovi odgovora na prethodno pitanje i ovog odgovora, i u cjelini odgovor će se odnositi na reforme u radu Parlamenta.

Zaključak o prijedlogu odgovora na pitanje 5. (Kakva je historija Parlamentarne skupštine u smislu glasanja o zakonskim propisima odobrenim od strane Vijeća ministara? Navedite prosječno vrijeme potrebno za usvajanje propisa. (1/11)): U grafikonu će se brisati stubac 4 i umjesto toga će se u jednoj rečenici iskazati broj usvojenih zakona u ovom sazivu Parlamentarne skupštine.

Zaključak o prijedlogu odgovora na pitanje 6. (Opišite zvanične (i nezvanične) međuparlamentarne odnose između države, entiteta i kantona. Opišite koordinaciju i saradnju između ovih tijela. (1/12)): Odgovor će biti dopunjen tako što će biti navedeni dodatni oblici zvanične i nezvanične saradnje.

Zaključak o prijedlogu odgovora na pitanje 7. (Je li bilo smanjivanja veličine lokalnih zakonodavnih tijela (vidi Ministarska konferencija Vijeća za provođenje mira, maj 2000.). (1/13)): Odgovor će biti dopunjen tabelom koja se odnosi na smanjivanje u općinskim vijećima.

Zaključak o prijedlogu odgovora na pitanje 8. (Opišite napredak na preuzimanju odgovornosti za «Daytonske institucije». (1/45)): Odgovor će biti dopunjen dodatnim informacijama o Komisiji za ljudska prava (Ombudsman i Dom za ljudska prava).

Zaključeno je da će odgovori dopunjeni u skladu s ovim zaključcima biti dostavljeni zamjenicima v.d. predsjedavajuće kako bi dali svoje mišljenje.

Sjednica je završena u 14.20.

V.D. PREDSJEDAVAJUĆE KOMISIJE

Zapisnik sačinila
Sena Bajraktarević

Fatima Leho